



**¿UNA ASTURIES PAL
TURISMU? ¿O UNA
ASTURIES PA QUIEN
VIVIMOS NELLA?**
Aína Asturias

Agostu 2024



¿UNA ASTURIES PAL TURISMU? ¿O UNA ASTURIES PA QUIEN VIVIMOS NELLA?

Nun son simples anécdotes. Les semeyes del branu colos accesos a les playes asturianas **colapsaes de coches** o el mapa de Xixón **saturáu de viviendes vacacionales** son consecuencias d'una política turística que tien bien poco de **sostenible**.

Nos núcleos más turísticos, pero tamién n'aquellos que va unos años nun apaecien en nenguna guía de viaxes, el **preciu la vivienda medra** de manera descontrolada, gracias en parte al crecimientu de les viviendes turístiques, impidiendo a la xente trabayadora y la mocedá **l'accesu a un derechu** básicu.

L'encarecimientu de la vida va acompañáu d'una **degradación de los servicios públicos** pola saturación estacional y una situación de **tensión ambiental** nos espacios naturales.

La turistificación, esto ye, l'apueste pol monocultivu del sector servicios, ye un enfoque económicu que nos dexa un país onde les **condiciones llaborales, ambientales y sociales** van, acaldía, a menos.



¿Cómo podemos frenar esti procesu tan perjudicial p'Asturias?

01 RECUPERANDO L'ESPACIU PUBLICU PAL INTERÉS XENERAL

Entamando pola **vivienda pública y los alquileres asequibles**, ufiertando a la xente la posibilidá de siguir viviendo nel so barriu de siempre y dotándolu de servicios y equipamientos. Un edificiu más al serviciu la xente ye un edificiu menos al serviciu del turismu y la especulación.

02 ADOPTANDO MIDÍES BÁSIQUES COMO LA TASA TURÍSTICA

Que'l gobiernu asturianu refúgase a plantegar y que permitiría tener unos **servicios públicos fuertes** que puedan enfrentar les consecuencias negatives del turismu

03 DESINVIRTIENDO Y DESESTACIONALIZANDO

Les **campañes turístiques** entamaes pol gobiernu asturianu siguen vendiendo Asturias como un llugar por descubrir y onde la crisis climática mundial nun esiste, acaeciendo que ye un destinu turísticu ya consolidáu y qu'en branu alcuéntrase sobrepasando la so **capacidad de carga**.

La verdadera sostenibilidá requier **reducir el gastu nel turismu**, lliberando unos recursos fundamentales que pueden emplegáse na conservación y puesta en valor d'aquel **patrimoniu cultural y natural** que, delles vegaes, queda en situación d'abandonu.

Un turismu verdaderamente sostenible, manexable y beneficiosu pa la población llocal tien que ser tamién **desestacionalizáu**, algamando una meyora y una **estabilización de les condiciones llaborales** d'esti sector tan precariu.

04 LLEVANDO L'ALMINISTRACIÓN LA INICIATIVA N'ESTI CAMPU

Fomentando un **turismu de proximidá**, dirixíu a la conocencia de la **cultura** y el **patrimoniu** propiu y que faga usu d'un **tresporte públicu** digne y sostenible.



Aina
Asturies

Aina
astu
ries

¿UNA ASTURIES PAL TURISMU?

¿o una
Asturies
pa quien
vivimos nella?



